

En memoria da

11.1.85 GR

## Turtè Monn-Bear, Sedrun



G.F. Bein ein zacontas jamnas spiradas dapi che nus vein surdau las restonzas terrestras da Turtè Monn alla tiara benedida a Sedrun. La defuncta viva denton vinavon en nossa memoria.

Turtè Monn-Bear ei naschida a Camischolas ils 4 da schaner 1896. Ella ha buca giu la cuida d'enconuscher siu bab: Gion Bistgaun. Quel ei morts cu ella veva treis meins. Ei fuva dirs onns. Sco la cara trapassada ha raschunau mava ella cun sia mumma Clementina en plazza, quei tochen si a Brinzauls ed en auters loghens. Duront ils onns da scola ein ellas secasadas a Camischolas. La buoba era dotada cun buns talents. Ella ha giu neginas difficultads en scola sut il capavel magister secundar Hans Decurtins. La Turtè vess maneivel giu ils duns da daventlar scolasta. Denton ils mieds muncavan lu. Sia biala scartira ha ella mantenu entochen il davos. Era sia memoria admirabla.

1919 eis ella sespusada cul giuven Hans Monn da Rueras. Els ein lu seca-sai a Caviggia; leu han ei fatg il pur. La famiglia ei carschida sin 14 affons. Aunc oz ein 9 en veta. Ins sa s'imaginar tgei lavur che quei munta per la mumma Turtè. Cun agid da Diu ha ella adempliu quella missiun cun carezia. Grev eis ei stau cu siu carezau consort ha bandunau la famiglia igl

onn 1958. Ils affons eran denton carschi.

1971 serenda Turtè Monn en casa s. Vigeli a Sedrun. Leu era ella cunteza. Ed ins fageva bien cun ella. Ei seigi engraziau allas bunas soras persuenter. Enzatgi da ses affons visitava di per di ella. Ella era tatta da 50 biadis e biadias e basatta da 12 sutbiadis. En ses vegls dis ha ella stuiu suttameter a pliras operaziuns, mo serevegnea adina puspei dètg stupent. Ils onns peisan. E la buna mumma e tatta veva buca pauc quet d'astgar eser naven digl october la seniora dalla Val Tujetsch.

La damaun dils 16 da december 1984 sedurmenta nossu cara trapassada per adina. Sco ella ei vivida renda ella si'olma pleina da merets els mauns dil Scaffider. Aschia ha ella saviu far Nadal ensemens culs aunghels e beai. Tgei bi retuorn ella patria celestiala. Ils 18 da december han ins accumpignau la cara mumma al davos viadi terrester. La baselgia fuva fullanada (ei fuva duas baras). Oravontut Tes affons, mo era nus schein encrescher per la buna mumma che ha adina vu-liu mo il bien. Nus vegnин a salvar ella en pia memoria. Sia luvrusadad, nobilisada d'oraziun, sia mudestiadad e beinvuglientscha surveschien a nus per exempl. Ella rauassi ella paisch dil Segner e gaudi la meritada pagaglia per tut il bien fatgs cheu sin tiara. La glisch sclareschi ad ella ed a tutt nos cars defuncts.